

آبونه شرالتي : هر یر ایچون
سنه لکی (۴۰۰) التي ایلتي
(۲۲۵) ، ممالک اجنیه ایچون
سنه لکی (۴۵۰) ، آلتی آیلتي
(۲۵۰) غروشدرد.

نسخه سی ۷،۵ غروشدرد .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله ن
یازیر اعاده اولتماز .

والله یهدی من یشاءالی صراط مستقیم

باش محرر
محمد عاكف

صاحب و مدیر
اشرف ادیب

اتبعون اهدكم سبیل الرشاد

الرشید

آدرس : پشینه آریجه
۵ غروش کوندردملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لریک
فرانسجه یازلسی رجا اولنور .

یاره کوندردلدیکی زمان نهیه
دائر اولدینی بیلدیرلسی
رجا اولنور

شهر امینک صمیمی و ریاسزلی

چون هفته شهرامینی «استانبولی برسفاهت شهری حاله صوقه جف» دیمشدی . بوهفته ده فاتح - ادرنه تراموای خطندن بحث ایدرکن «بوجاده تصادف ایدن مدرسه لری یقیدیوروز» . دیور. معارف وکیلی مدرسه لری تشکیلاتلری، موجودیتلری الفا ایتدی؛ شهرامینی ده اعمار مملکت نامنه بنالری یقیدیوروز . ییقیلان مدرسه بنالری دیگر محللرده انشا ایدیله جکسه اووقت ضرورت ایجاباتی اوله رق بوهدی معذور کورمک لازم کلیر . نیته کیم وقتیه بروسده جاده یه تصادف ایدن برمدرسه حقتده بویله پایلمشدی : برطرفدن مدرسه نیک دیوارلری ایندجک دیگر طرفدن ده کوزل برمحله یکی مدرسه نیک دیوارلری یوکسه لیوردی . بونک تمملری سوکولورکن اوته کینک داملری قورولیوردی . اوزمان هرکس ضرورت ایجاباتی تقدیر ایتمش ، حسن نیتک پک نادر اولان تجلیسی کورمشدی .

بوخلق ، نه سوزا کلامایه جق ، ضرورتک ایجاباتی تقدیر ایتمه یه جک قدر قالین قفالیدر ؛ نه ده یاییلان ایشلرک ایچ بوزلرک فرقه وارمایه جق قدر آبدلدر . ضرورتی ده آکلار ، مقصد مخصوصی ده تفرس ایدر . هر ییقیلان شی رینه ده ایشی قومق اوزره ییقیلر . فقط مع التأسف ییقیلانلرک رینه هیچ برشی قونماور . نیجه زمانلردن بریدرکه بودستور تخریبات هم مادی ، هم معنوی ساحده اجرای احکام ایدوب طورییور . نه غریبدرکه بوتون تخریبات هب اعمار واصلح نامی آلتنده یاییلیور . شیمیدی یه قدر بالکیز بذات چیقدی که حقیقی اولدینی کی سوبله مک مردلکنی کوستردی : محترم شهرامینمز مقصد حقیقی بی هیچ کیزله مه یه لزوم کورمه یه رک ، غایت صمیمی برلسانله «بن استانبول شهرینی بر سفاهت شهری حاله صوقه جف» دیدی . کوردیکزمی ، صمیمیت و ریاسزلی ناصیل اولور؟ آفرین شهر امینه ! کک آمریقادن کلور ، ملبوسات ده آوروپادن . شوخالده بزه دوشن وظیفه ده بیوب ایچرک ، کینوب سوسلنرک سفاهت ایتمکدن باشقه نه اولور ؟

شهر امینی بک حقیقی اولدینی کی سوبلیدیکی ایچون شایان تقدیردر . هرکس بویله صمیمی و ریاسز اولسه نه قدر ای اوله جق ! اووقت بوتون اعمارات و اصلاحاتک سائق اصلیمی هرکسک نظرنده تعین ایتمش اولور .

شهر امینی بک اصلاحاتک عمده اساسیسی شو صورتله ایضاح ایدیور :

«استانبول مکمل اوتلر ، غازیور ، اویون و اکلنجه محللری ، حق قارخانلر ، ذوق و سفاهت واسطه لری تأسیس ایتکه مجبوردر . اوله که شهر مزه آفاق باصه جق هر اجنبی شهر مزه اوزون مدت قالی ایسته ملیدر . شهر بوکی وسائط ایله مجهز اولدینی تقدیرده هر سینه یوز بیکلرجه ارباب ذوق و سفاهتک قوناجنی و میلیونلرجه باره کتیرمجبی شبه سزدر .»

دیمک که ایشمز قارخانه جیلکه ، ذوق و سفاهت واسطه لری قالدی ا عییا شهرامینی سوبلیدیکی سوزلرک معالری ادرک ایدیورمی ، یوقسه صایقلا یورمی ؟ والیسی سرخوشلق یوزندن آرقالدی مملکتی قاه بویاه جقدی . شهرامینی ده قارخانلر ، اکلنجه لرلی ، ذوق و سفاهت واسطه لری تأسیسه قالدیشیرسه ایش تمامدر ! آکلاشیلان ، بونلرده عصریلکک مقتضاسیدر !

مسلمانلرک هماغلری ده ییقیلیور !

توحید افکار رفیقمزک بولغارستان مخبر مخصوصی یازیور : «بولغارلق ، مان مان منوری بولونمایان خراب مسلمان مملکتلرده ایسته دیکنی یایور . بوراده (زشتوی ده) ایکی کون قالدیم .. فقط کاشکه اوغرامایه دیم . بو خرابی و بوسفالتدن فضله برمسلمان روحی ایچیدن و بوتون بو مملکت تورکلکنی کیم بیلر قاجنبی دفته اولق اوزره برکره ده ما ثولدورن آلم و حزن بر مسئله ده وار : قصبه نیک تام اورته سننده بولونان (ساعت آلتی جامع شرقی) بوکره محلی عسکری قوماندانک آمریله ییقیلنه باشلامش . مسلمان اهالی ، هر نه قدر اولجه ده بو حاله قونولان بو مسلمان معبدینی قورتارمی ایچون مقام طائی نزدنده تشبثانده بولونمش و نظارتدن ییقیلناماسی ایچین آمرکتیرمکه موفق اولمش ایسه ده مذکور عسکری قوماندانی (قتله ده یاییلایق بر بنایه طاش اقتضا ایتدیکی ایچون) سوزنده اصرار ایتمش و هیچ کیمسه بی دیکله مده دن بر مفرزه عسکریه کوندردرک بو اؤکسوز و غریب ایلرده ، دده لریمزک یادکاری اولان او بدبخت مسلمان معبدینی ییقیدیرمه باشلامش . (ساعت آلتی) جامع شرقیک قارشیننده بر بایرده ، بر صالحیم آغاجی دیننده مزه شو سطرلی بازارکن ، برکره ساحلرنده سواریلریمزک جیرید اوینادقلری و آلتلری صولادقلری قوجه وتاریخی (طونه) یه ، برکره ده بولغار نفرینک ایندیردیکی انصافسز قازمه ضربه سنندن آجی آجی اوغولتورله ییقیلان زوالی مسلمان معبدینک منظره دلخونه باقدم .. شیمیدی ، (طونه) نک مجهول و اوزاق افقرنده کولش قیزیل بر دنیا ایچنه قاووشیور .. قانادکره قاراکلی کیجه ایچنده ، بر زمانلر مناره سنندن اذان محمدی صدالری یوکسه لن اؤکسوز معبدنه ایندیریلن قازمه ضربه لری ایسه حالا قولقلری طیرمالایور ..»

عصری قادیانلر دومنر تکنیه دومری

قادیانلرک عصریله شیمی ایچونلرک چوق باغیرانلردن آقشام غزته سی شیمیدی دیورکه :

«روحی امال ایدوب ذکاسنه کووه ندیکی کوندنبری خانم ، جوشقون بر دکزده دومنر بر تکنیه دومنشددر . شدی خانم واهی ، حریص ، ظواهره دوشکون بر مخلوقدر . زنکین و کبار طبقه یه منسوب اولدینی طاله کوسترمک ایچون نه یاه جفنی بیلیمور . بوتون غروری فقیره ، ضعیفه قارشیدر . زنکینک نه جنسی ، نه وطنی ، نه ثروتک منبعی صوزیور . بعض آلافرانقه اکلنجه لره ابتلاسی تریه ده بر انقلاب اثری دکادر . زنکین ، کبار ایشیدر دیه آت یینور ، رقص ایدیور ، «ته نیس» اویناور ، سینه مایه کیدیور ، «چای» ویریور . ذکاسنک یکی انکشافندن بری آرتق نه اوقومنی ، نه یازمنی ، نه قونوشمنی ، نه اوطورمنی ، نه کولکی بیلیمور . معاشرتدن بی خبردر .»